

畿輔通志卷七十五

略三十 河渠一

水道一 六州二河 十河總目

大凌河附小凌

謹按直隸水道東濱渤海爲眾水之所歸北及西南爲眾水之所入而其中之小河則各因其地勢而源分流合附於數大河以趨海卽濱海之地間有小水自行赴海不入大河然其流率短則亦可屬於所近大河而附之統計直隸全省其水之大而爲綱者約有九并黃河而爲十曰大凌河曰遼河此二水皆歸於

盛京曰灤河此水獨由樂亭入海曰薊運河曰北運河曰永定河曰大清河曰子牙河曰南運河此六水皆由天津參差入海若黃河則自河南流入大名府百數十里而已出境然所經雖止一隅而不得旁屬且九河故道亦宜

晉書地理志卷之三
考論故總而爲十綱也綱舉而目張則自北而西而南
皆以東爲歸宿之區所謂先河而後海今首列其綱者
爲第焉

大凌河第一

遼河第二

灤河第三

薊運河第四

北運河第五

永定河第六

大清河第七

子牙河第八

南運河第九

黃河第十

以上十河爲綱凡爲兼受之水皆隸於綱下爲目其不入綱流別行入海者則就所近綱水以爲附雍正志河渠水道止一卷其於大小凌河白狼水老哈英金大遼水皆所不載餘若六州等河更無論矣今旣續補重勘條理固不敢淆繁雜亦所宜汰昔齊召南水道提綱自序譏古來志地理者志在藝文情侈觀覽或於神怪荒唐遙續山海或於遊蹤古蹟逞博眩奇祇足供詞賦披尋而未免穿鑿附會洵篤論也故此編亦但求簡明無取填飾至於標題悉用今名而古名則於略內釋之亦所以便檢閱

大凌河第一

卽白狼水

和爾圖河 僧機圖河 賽音台河 克爾河 蘇巴爾
噶河 阿蘭善河 古榆林河 芍藥河 南土河 沁
河 卑努克河 碓嘴河 荆水 波羅台溝河 察罕
河 布爾噶蘇台河 羊角屯渠 固都河 釜泉河
涼水河 奎騰泉 北土河 固爾班和爾圖泉 朝陽
溝 卓索河 什巴爾台河 格爾庫爾台河 巴爾察
罕河 烏里雅蘇台河

以上二十九水皆在直隸境內入大凌河者

袞齊老河 清河 隘口河 馬鞍河

以上四水皆源出直隸入柳邊後始入大凌河者

老公溝泉 大安堡河 小沙河 泥河 東沙河 西
沙河 大蛤蜊河 七里河 王巨河 石河

以上十水皆出

盛京入大凌河者

通計大凌河受有名之水四十有三

附小凌河

卽參柳水

明安河 穆壘河 哈柳圖河

以上三水皆在直隸境內入小凌河者

楊樹溝河 湯泉河 女兒河 湯河 二郎泉河 小

蛤蜊河 頭道河 二道河

以上八水惟女兒一河源出直隸餘皆

盛京所出入小凌河者

通計小凌河受有名之水十有一

附六州河

卽六股河

菟濟河 塔本河 摩該圖河 呼魯伯楚特河 額里

葉河 布勒圖河 四道溝河 偏山河

以上八水惟偏山一河出

盛京其七皆源出直隸相匯而爲六州河菟濟乃其經流也

大凌河水道

大凌河卽古白狼水酈注附遼水篇末以其下流至故房縣

境

今盛京錦州府廣甯縣東南

東與遼水相合故併於遼水而今列此於

遼水前者則以今之大凌河入柳邊後只東南一支自行入

海其東北一支昔與遼水合者久已枯斷兩相隔絕非遼水

所得統屬又況直隸北面由東迤西大凌河源亦近而先見

故首列之而後至西至南皆順而以次遞及也其曰白狼水

者漢書地理志右北平郡下白狼縣師古注有白狼山故以

名縣白狼水當亦因此得名水經注曰白狼水出右北平白狼縣東南北流西北屈逕廣成縣故城南按白狼縣有二而白狼水復北流至廣成縣知白狼縣在廣成縣故城之南矣水經注又曰又西北石城川水注之北逕白狼縣故城東王莽更名伏狄此則漢白狼縣之故城更在廣城縣故城之西北在莽時已改稱伏狄矣二白狼縣一在廣城之南一在廣城之北紀要云建安中魏公曹伐烏桓登白狼堆蓋卽漢白狼縣舊址也城廢故曰堆若其南之白狼縣則晉咸康中慕容燕之所復置也此水縈回於白狼山之間故以爲號焉隋書契丹傳作白貔河熱河志曰白貔卽白狼之譌按此亦非盡訛蓋俗稱狼原有貔子之目殆从俗呼耳但酈注曰出曰逕皆言流而非源白狼水蓋有三源一南兩北蒙古皆曰傲

母林紀要謂之惡河

北語讀惡如傲

亦曰惡木林水道提綱作傲木

倫

謹按大凌河卽白狼水提綱以老哈河爲白狼水殊屬非是熱河志辨之甚詳

熱河志作傲穆楞

各本書寫雖異以土音取之則一也傲穆楞者譯言凌河也

而白狼水之稱凌河則見於金史地理志興中縣

今土默特治

南

有凌河承德縣

今盛京錦縣西北

北有凌河然遼史地理志已有建

州

今盛京錦縣西北

在靈河南語是凌河原作靈河猶木楞之作木

倫同音異文耳其稱大凌河者明一統志大凌河源出大甯

小凌河源出大甯則大凌河之名又以對小凌河而別之亦

猶白狼河而魏書地形志簡呼作狼河名稱增減原難膠執

元一統志曰凌水出龍山縣

今喀喇沁左翼西南

南六十里師婆塞至

縣東南十五里入利州界一云出龍山縣南八十里紫草務

東北流一百里入利州界今按大凌河南源出建昌縣屬喀

喇沁左翼旗南地名土心塔在縣城東南二百二十里西達撫甯縣界獅子河近焉東達臨榆縣界石河近焉此兩河近人皆謂之渝水漢書地理志遼西郡下臨渝渝水首受白狼而由今核之並無其蹟酈氏水經注皆能指實獨於白狼分支則曰疑卽渝水又曰疑是臨榆縣之故城又曰疑卽所謂侯水北入渝者純設疑詞莫衷壹是而漢志顧云爾竊意渝水首受白狼當在白狼之東南侯水入渝當在白狼之東而渝水之西侯水入渝乃受白狼相其地形石河近是且云首受自應近白狼之源頭不應在白狼之歧尾酈氏於濫真水後卻分白狼支流臆爲渝水宜其失據矣

白狼水初出北流逕傳家臺西迤北至箭廠西乃轉而東北徑石柱山熊山之東元一統志曰熊山在龍山縣南六十里

石柱山在龍山縣南八十里然則石柱卽所謂紫草務熊山
卽所謂師婆塞可想以道里計之恰合也乃知元統志亦特
滌其流耳又北流至喇嘛洞西又北流水勢忽一曲折而西
北酈注所謂北流西北屈者也有威遜圖山在其西焉威遜
圖卽提綱所謂尾蘇圖山爲白狼之真源者不知已距河源
百里而遙矣熱河志曰威遜圖山漢名樺山在喀喇沁左翼
西南四十里大淩河流經其麓夫曰流經其麓則非源明甚
提綱誤已自是北流復轉而東北其北岸爲犇牛屯蓋卽漢
廣成縣故址也自犇牛屯而北卽白鹿山水經注曰石城川
水東流北屈逕白鹿山西卽白狼山也知白狼亦名白鹿後
魏已然矣熱河志曰布祜圖山卽白鹿山一作布古圖山其
實自十道營五道嶺卽塔木達巴罕漢言五嶺及十二跌撲南至黑山科

之額里葉山西至鄂倫和固諾克山暨巴顏濟魯克山皆白狼之支絡也於是循而北流爲鄂倫和固諾克山所阻乃西屈而北轉至喀喇沁左翼西南明營州右屯衛北有和爾圖河自西南來注之

和爾圖河發源於托蘇圖喀喇山東亦白狼之一脈也距喀喇沁左翼旗五里東北流入白狼水

白狼水遂東北合流屈徑公營子西南其西南岸有龍山縣故城蓋遼置也又迤北有僧機圖河自西南來注之

僧機圖河建昌縣水也卽古石城川亦曰生機河名見一統輿圖熱河志曰僧機圖河出喀喇沁左翼西四十里之僧機圖山漢名窟窿山僧機圖河猶言窟窿山河也按水經注稱石城水源出石城山則當在石城縣故城之西中

歷廣城縣境始與白狼水合計其源流實不止四十里今以畿輔輿圖考之此水之源尙在山嘴子西去烈山梁不遠烈山梁爲盧龍塞東北隘口卽石城山也石城故縣卽在山之東夏秋水漲發百道俱東必與此河爲一可見當日石城川水本出烈山梁其後上源塞而下源通始指僧機圖山爲表誌蓋水道變移往往似此然今自烈山梁而東五十里間均無水道至僧機圖山下其源始見東流南迤逦拂石村北又迤而東逕山嘴子村南及義和莊南又東逕胡圖克圖喀喇山南又東稍北逕三道營村後又東流北折逕龍山縣故城東又北屈逕托蘇圖喀喇山西其西岸之連山不斷卽古龍山矣又遞迤而東北流至公營子西南入白狼水

白狼水乃北流逕公營子西其東卽喀喇沁左翼旗庭水經注曰白狼水北逕白狼縣故城東王莽更名伏狄知漢白狼縣故城在大凌西岸矣又東北流出古長城界此乃漢遼西與右北平長城分界遞迤而東北有賽音台河自西來注之

賽音台河亦建昌水熱河志曰出縣南鴻吉爾岱山在喀喇沁左翼西北六十里其相近有黃金帶川道口也河源出焉南望僧機圖山在三十里外迤而東流逕七間房東南達三台子北又東逕南平房北至廣甯站西北入白狼水按水道提綱云又有塞因台河一派卽賽音台之轉

白狼水乃東流北折逕東平房村西又逕三台小營之西

三台營乃大凌河之南北源口要津也自土心塔至此陸程一

百里而南源始盡其西岸有方城川水合兩河來會焉命曰

北源

北源有二一出左翼西之水泉子在建昌縣二十里舖之南十餘里今謂之克爾河卽水經注所謂方城川水也是爲大凌河之中源酈氏曰方城川水東流北屈逕一故城西世謂之雀目城計其地當在建昌縣南小河南道口之西南與河西十里舖河東北遙相望又東流至縣治南小河南村之西南則北源又出左翼西北之三官營在建昌縣北迤而東南流又受二水其東股曰阿蘭善河其西股曰蘇巴爾噶河

阿蘭善河提綱作阿喇善河漢言神水河卽古琵琶川元

一統志所謂榆林河也在縣治北迤西四十里其發源之

處俗名熱水湯以溫泉名也東南流逕三官甸子

卽三官營又

東南至濟爾噶朗營與北源合

蘇巴爾噶河一統輿圖作蘇巴爾漢又謂之忒布克河卽

句音溝水以其源出句邱梁東

句邱梁卽盛托蘇嶺

俗訛呼爲狗水元

一統志狗水在惠州東一百八十里源自指頭山崖出東

流一百二十里入利州界合淩河淩河口爲三官小營西

至利州十餘里熱河志曰蘇巴爾噶河漢言石塔河出喀

喇沁左翼西北境在建昌縣西三十里而句邱梁在建昌

縣西四十五里固知其在句邱東矣句邱梁其卽元志所

稱指頭崖歟道里方位皆合也河遞迤而東流逕塔子底

北

一名塔子溝

河名石塔者以此又東至縣東北與北源合

北源挾兩河以南流至小河南村東復與中源相遇於是北

中兩源會而東流又南折逕哈叭台北蒙古呼爲喀卜齊臺

道口也又遞迤而東南流逕哈叭氣北蒙古呼爲喀卜齊爾

亦道口也距城二十五里自哈叭台至此皆繞金華山之西南麓又折而東至金華山南金華山者卽金黃山也熱河志曰在建昌縣東南三十五里山石疊砌遠望作黃金色故云又迤而東流遙指七間房北又東遙逕大鹿溝南乃稍稍迤北而東流逕長壽山之南熱河志曰長壽山在建昌縣東北六十里山有雲峰真人康太真墓碑距山西百步有玉京觀舊址河流至此有榆河之目焉

榆河枯瀆也其始蓋自長壽山後東南流來會北淩河者也元一統志曰榆林河至霍司空莊入淩河其地在遼利州東而今堙矣

北源又迤北而東流至三官營

卽三臺小營

又東與南源合古皆

名之曰白狼水今皆呼之爲大淩河

大凌河既併三源河流始盛迤北逕東哨村西又迤北而東折而白狼水之東流自此始矣遂東至於鐵溝村北又東入朝陽縣界達永來店東望梯子嶺岡巒不絕南望朱家嶂子

俗書嶂作杖謬

在數里外其北岸漢口有芍藥河故渠焉

芍藥河元一統志曰在利州東五十里源自芍藥莊山谷間出東流合於凌河知此河出芍藥莊因以名矣而今則既失其莊復淤而涸姑錄存考

大凌河又東流則北岸有南土河自西北而東南流注之

南土河卽圖爾根河圖爾根漢言土也此平泉州水也謂之南者以朝陽縣北境亦有一圖爾根河入土默特右翼境故呼此水爲南圖爾根河以別之其源出平泉州屬喀喇沁右翼東南一百八十里之錫默特山東流逕臥佛寺